



PROCESVERBALI
Nr. I prot. 282 Më 28.01.2019
Br. prot. Dt. 2019
RAHOVEC - ORAHOVAC

Nga mbledhja e rregullt e Kuvendit Komunal të Rahovecit, e mbajtur më 28.12.2018 me fillim në ora 10.15. Mbledhjen e kryesoi Kryesuesi i Kuvendit z. Afrim Dina. Konstatohet se kuorum për mbajtjen e mbledhjes kemi. **Kryesuesi** – Përsëritet për kryetarin e komunës z. Smajl Latifi, nënkryetarin e komunës z. Fatmir Iska, për monitoruesit e LMT-së, monitoruesit e OSBE-së, përfaqësuesit e mediave, drejtorët e drejtorive komunale, delegatët e kuvendit komunal dhe gjithë të pranishmit. Besoj se rendin e ditës dhe materialin e keni marrë me kohë? Për këtë mbledhje propozoj këtë:

REND DITE

1. Aprovimi i procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Propozim vendimit të Kryetarit që të jepet pëlqimi për inicimin e procedurës për shpronësimin e pronës së paluajtshme private për hapjen e rrugës publike “Edit Durham”,
4. Shqyrtimi dhe aprovimi i propozim vendimit të Kryetarit të Komunës rreth shërbimeve të varrimit,
5. Shqyrtimi dhe aprovimi i Planit të Punës së Kuvendit për vitin 2019,
6. Shqyrtimi dhe aprovimi i plotësim ndryshimit të Rregullores për Taksa, tarifa, ngarkesa dhe gjoba dhe,
7. Shqyrtimi i Raportit të komisionit për zgjedhjen e kryetarëve dhe këshillave lokal.

Kryesuesi – Në shenjë të respektit dhe nderimit për policin e vuarë në detyrë z. Izet Demaj ju kërkoj që të mbajmë një minutë heshtje, Lavdi veprës së policit Izet Demaj. Tani të nderuar e qes në votim rendi e ditës: Konstatohet se në mënyrë unanime është aprovuar rendi i ditës. Kalojmë në pikën e parë të rendit të ditës:

1. Aprovimi i Procesverbalit nga Mbledhja e Kaluar.

A ka dikush ndonjë vërejtje sa i përket procesverbalit nga mbledhja e kaluar, nëse jo e qes në aprovim: Konstatohet se në mënyrë unanime është aprovuar Procesverbali nga mbledhja e kaluar. Kalojmë në pikën e radhës të rendit të ditës:

2. Pyetjet dhe përgjigjet në pyetjet e kuvendarëve.

Kryesuesi – A ka ndonjëri nga drejtorët që nuk ju është përgjigjur pyetjeve nga mbledhja e kaluar, nëse ka atëherë mundet të dilni që të ju përgjigjeni pyetjeve të parashtruara nga kuvendarët, sipas zyrarit të zyrës së kuvendit disa drejtor përgjigjet kuvendarëve ju kanë përcjellë me anë të emailit. Fjalën e keni ju kuvendarë që të parashtroni pyetje ekzekutiv.

Afrim Berisha – Përsëritet për të gjithë të pranishmit, do ja drejtoj një kërkesë Drejtorit të Shërbimeve Publike z. Përparim Krasniqit, i nderuar drejtor nxënësit të cilët vijojnë mësimin në shkollën e mesme

“12 Maji” në fshatin Ratkoc, relacioni Dejnë – Ratkoc, ndjehen të rrezikuar gjatë shkuarjes për në shkollë pasi kjo rrugë nuk ka as trotuare e as ndriçim publik. Kërkoj nga ju i nderuar që të keni parasysh këtë kërkesë. Pyetjen e dytë do ja drejtoj z. Avni Morina Drejtorit të DKA-së, pyetje ime ka të bëjë rreth krijimit të Aktivëve Profesionale të Mësimdhënësve, kisha dashur të di se cili është qëllimi i themelimit.

Fehmi Cena – Përsëendetje për të gjithë të pranishmit, kam një pyetje për Drejtorin e Shërbimeve Publike, konkretisht për rrugën “Dëshmorët e Pashtrikut”. I nderuar në këtë rrugë janë vendosur shtyllat për ndriçim publik, po ashtu edhe ndriçimi është në rregull, por janë të hapura disa gropa të thella tek çdo shtyllë gati deri 1m², dhe si pasojë e kësaj është vështirësuar kalimi si për automjete ashtu edhe për këmbësorë. Kërkoj nga Drejtori i Shërbimeve Publike që këtë punë të mos ja pranojë punëkryesit sepse nuk është kryer komforë standardeve dhe ka nevojë për rekonstruktim. Gjithashtu kjo rrugë në një vend ka nevojë edhe për një kanale të shkurtë kullues për ujërat atmosferike sepse sa herë që bije shi grumbullohet uji dhe një pjesë e kësaj rruge bëhet sikurse liqen, pastaj kalimi në këtë rrugë nga këmbësorët e sidomos nga fëmijët bëhet e pakalueshme. Jam i gatshëm që të i dalë në ndihmë kompanisë që të i tregojë saktësisht se ku ka nevojë kjo rrugë të rinovohet sepse është rruga në të cilën edhe unë banoj.

Florida Bajraktari – Përsëendetje për të gjithë të pranishmit, kam një pyetje për Drejtorin e Shërbimeve Publike, rruga e cila të shpije nga Rahoveci për në fshatrat Drenoc, Senoc dhe fshatrat e tjerë, ka disa muaj që janë evidentuar disa shenjë në rrugë për tu vendosur vijat e bardha, jam duke kaluar shumë shpesh në këtë rrugë dhe ende deri më tani nuk është përfunduar kjo punë, tani në stinën e dimrit është shumë e rrezikshme të kalohet në këtë rrugë nëse nuk ka sinjalizues, pyetje ime është kur do të përfundoj kjo punë.

Përparim Krasniqi – Përsëendetje për të gjithë të pranishmit, I nderuari z. Afrim Berisha për këtë vit është mbyllur gjithçka sepse është mbyllur viti fiskal 2017-2018, në buxhetin e këtij viti nuk është paraparë ajo pjesë, por ne për vitin e ardhshëm e kemi parasysh se çka do të bëjmë me këtë rrugë, besoj se këtë rrugë do të fusim në planifikim për vitin 2019. Sa i përket ndriçimit publik edhe fshati Dejnë është përfshirë në kontratën ekzistuese, por ne nuk kemi mundur deri përfundojmë këtë vit për arsye se kemi një investim që e kemi filluar në fshatin Xërxë nuk mundemi që të fillojmë me vendbanime të tjera. Kurse sa i përket pyetjes së z. Fehmi Cena, po i nderuar ne në rrugën “Dëshmorët e Pashtrikut” kemi bërë një investim në rrjetin e ri të ndriçimit publik, e dimë që ka disa defekte ose lëshime, por për shkak të ngricave ne nuk mundemi tani të i sanojmë këto defekte, por ne i nderuar nuk do ja pranojmë punën punë kryesit deri në atë moment që e bije rrugën në nivelin e duhur. Sa i përket çështjes së ujërave atmosferikë i kisha lutë këshillat e lagjeve që ti bëjnë kërkesat zyrtare, dhe me ato kërkesa të i drejtohen drejtorisë, pastaj ne si drejtori do të dalim në teren ku do e verifikojmë gjendjen dhe do ta shohim se çka mundemi të bëjmë në Pranverë. E nderuara znj. Florida Bajraktari është e vërtet ne i kemi vendosur pikat orientuese në rrugën Rahovec – Sarosh, por për arsye të temperaturave të ulëta nuk kemi mundur që ti vendosim shenjëzimin horizontal, sepse nëse e bëjmë në këtë kohë ka mundësi që të shlyhen shumë shpejtë. Por me ngritje të temperaturave ne do të i vendosim edhe këto shenjëzime që na kanë mbetur në të gjitha segmentet rrugore. Ne këtë vit edhe pse kemi pasur mungesë të buxhetit, ne i kemi bërë disa shenjëzime në qytet dhe në disa vendbanime të tjera, të gjitha këto kompania i ka kryer pa asnjë pagesë, sepse ene nuk kemi pasur mjete për këtë vit.

Avni Morina - Përsëendetje për të gjithë të pranishmit, i nderuari z. Afrim Berisha themelimi i aktiveve profesionale në nivelin e DKA-së, kjo është një punë të cilën e kemi nisur dje, ideja ka qenë që në nivel të DKA-së të formojmë një ekip për monitorim dhe vlerësim të cilësisë në arsim, siç e dimë se në kuadër të tërësisë së programeve e cila quhet Korikulë janë të përfshirë 7 fusha dhe në secilën nga këto fusha ne dje kemi formuar shtatë aktive profesionale dhe një tjetër aktiv profesional i cili përfshin nivelin para fillor dhe nivelin fillor të ulët. Qëllimi i themelimit të këtyre aktivëve profesionale është se kryesuesit e këtyre aktive profesionale do të jenë pjesë e ekipit profesional për monitorim dhe vlerësim, të cilët do të mbikëqyrën dhe drejtohen nga i DKA-ja, në mënyrë që realizimi i plan programeve mësimore të bëhet në mënyrë unike në të gjitha shkollat. Kjo ka qenë nevojë domosdoshme për të themeluar këtë mekanizëm për arsye se gjatë vizitave që kemi pasur nëpër shkolla e kemi vërejtur se realizimi i plan programeve nuk bëhet dhe ka

laramani të plan programeve, ne jemi që të bëhet një sistem unik i plan programeve dhe në këtë mënyrë do të ngritët një sistem i sigurimit të cilësisë përmes monitorimit direkt nga DKA-ja. Sa për dijeninë tuaj Prishtina është e parë që e ka formuar këtë ekip, kurse ne si komunë jemi të dytët, tjera komuna nuk e kanë. **Kryesuesi** – Ju faleminderit për pyetjet e bërë, po ashtu i falënderoj edhe drejtorët e drejtorët për përgjigjet e dhëna. Kalojmë në pikën e radhës të rendit të ditës:

3. Shqyrtimi dhe aprovimi i Propozim vendimit të Kryetarit që të jepet pëlqimi për iniciimin e procedurës për shpronësimin e pronës së paluajtshme private për hapjen e rrugës publike “Edit Durham”.

Afrim Oruçi – Përshëndetje për të gjithë të pranishmit, para jush keni propozim vendimin e Kryetarit të komunës që të i jepet pëlqimi që të iniciohet procedura për shpronësimin e pronës së paluajtshme private në interes të përgjithshëm për hapje të kësaj rruge. Kjo rrugë faktikisht është e hapur dhe e qarkullueshme, është shtruar para disa viteve, kjo rrugë gjendet në dalje të Rahovecit tek rruga “Xhelal Hajda” afër rrethit, kjo pronë është private numri kadastral është 06163/1, në emër të Anife Hajredin Rama, sipërfaqja e përgjithshme e kësaj parcele është 25 ari e 33m², nga kjo sipërfaqe të pronës private ju është marrë një pjesë pre 1 ari e 48m² për rrugë në mirëbesim në atë kohë. Pala në fillim ka bërë kërkesë në drejtori, më vonë ju është drejtuar edhe agjensionit, pasi që ka marr nga këto dy organe vendime negative, ju është drejtuar gjykatës themelore në Prishtinë ku pastaj e njëjta e ka fituar kontestin, ku pastaj gjykata ka kërkuar nga ne që ta rishqyrtojmë vendimin tonë. Kërkoj nga ju që pasi të rishqyrtoni ta përkrahni këtë propozim vendim në mënyrë që të zhvillohen procedurat për shpronësim.

Rasim Fazliu – Përshëndetje për të gjithë të pranishmit, kjo pikë është shqyrtuar edhe në KPF, drejtori na informojë se kjo rrugë është hapur para disa viteve dhe tani është funksionale, por tani ajo që na ka mbetur është që të bëhet shpronësimi sepse pala e ka fituar kontestin gjyqësor dhe të drejtën për shpronësim. Ne gjithsesi që duhet të marrim një vendim si kuvend komunal, por ajo që më intereson mua është: A ka pasur marrëveshje paraprake mes palës dhe komunës, apo nuk ka pasur fare dhe cila është arsyeja që tani pala kërkon kompensim, apo një herë kanë kërkuar që ti rregullohet rruga dhe pastaj kanë kërkuar kompensim, ashtu siç jemi mësuar ne. Do ju jepja një sugjerim ose këshill siç do ti pranoje, por kishte me qenë mirë që në të ardhmen pavarësisht ku shtrohet një rrugë, së pari të i shikojë procedurat se mos është pronë private apo publike, pastaj të fillohet me meremetim ose zgjerim të rrugëve.

Dervish Çadraku – Përshëndetje për të gjithë të pranishmit, ne kemi biseduar edhe më herët rreth kësaj teme në KPF, por megjithatë unë edhe më herët e kam theksuar se nuk është mirë që në çdo mbledhje të na vinë pikat e këtij lloji, kishte me qenë mirë që pikat e kësaj natyre të vinë si pako në një mbledhje të kuvendit dhe në këtë mënyrë ne nuk do të humbim shumë energji ne si kuvendarë. Pastaj ajo që mua më bënë më shumë përshtypje është se marrëveshjet kur bëhen me palët kishte me qenë mirë që të bëhen me shkrim, në mënyrë që pastaj të mos kenë mundësi të lëvizin nga marrëveshjet e bëra, sepse hapja e kësaj rruge nuk do të shpërbej vetëm për një familje por do ti shërbej të gjithë qytetarëve. Ndërsa tani këtu na dele se në atë kohë janë pajtuar që të hapet rruga, kurse tani është duke kërkuar kompensim nga komuna, sipas kësaj në fillim ata ju kanë drejtuar Drejtorisë së Kadastrës, pastaj në artë kërkesë na dele që ata nuk kanë ditur që ti drejtohen atyre që janë kompetentë dhe i kthehet ankesa si e pabazë, pastaj ata fillojnë që të merren me procedura më serioze, e kush fiton këtu, fiton pala kurse humbë komuna, sepse kur të shkojë në procedura gjyqësore kjo teme normalisht dikush duhet të paguaj ato shpenzime.

Fehmi Cena – Pajtohem me parafolësit rreth asaj se duhet të bëhet marrëveshje në fillim në mes palës dhe komunës, kjo është një rrugë që ne të gjithë e dimë ku është dhe e kemi të qartë, në bazë të skicës shihet se është një rrugë vërtet publike dhe i lidhë dy rrugët kryesore të qytetit. Prandaj mendoj se kur janë në pyetje këso rrugë të cilat kanë interes publikë, mendoj se komuna duhet që të angazhohet edhe për kompensim nëse ka nevojë sikurse që është ky rast.

Afrim Oruçi – I nderuari z. Rasim Fazliu komuna nuk ka pasur kurrfarë marrëveshje me këtë palë, po ashtu nuk ka pasur marrëveshje as me palët e tjera të cilat kufizohen me ke këtë rrugë, të cilët i kanë lëshuar në

mirëbesim parcelat për zgjerim të kësaj rruge. Ne para se me vendos që të kërkojmë nga ju pëlqim për shpronësim kemi dalë në vendin e ngjarjes me gjeodetë, ku kemi menduar se në rast se rruga me pronë publike i plotëson e një rruge të mirë të kalueshme atëherë ne ju kishim drejtuar palës dhe i kishim thënë se ne nuk kemi nevojë për pronën tënde dhe ne kishim vazhduar me pjesën publike. Por neve na ka dalë që pjesa publike e rrugës pak më shumë se 2m, prandaj ne jemi detyruar që në mënyrë kjo rrugë të jetë funksionale ta iniciojmë këtë procedurë. Sa i përket marrëveshjeve të tjera brenda kësaj qeverisje 1 vjeçare, ne kemi zhvilluar edhe punë të tjera siç është kanali në fshatin Celinë, ku kemi mare shumë prona private, por asnjë centimetër nuk e kemi hapur pa bërë marrëveshje me shkrim me palët, se të njëjtit janë duke u akorduar dhe pajtuar me ne që janë duke na lëshuar me vullnet të tyre pronën private, në të mirë të fshatit dhe janë deklaruar se në të ardhmen nuk do të kërkojnë asnjë lloje shpronësimi. Pra është parim i qeverisjes sonë që në të ardhmen çdo rrugë ose kanal që kemi të bëjmë me pronë private së pari të bëjmë një marrëveshje me shkrim dhe do të kërkojmë nga pronari që ta kthejë pronën nga prona private në atë publike, pastaj të fillojmë me punime. I nderuari z. Dervish Çadraku këto pika nuk munden të vinë në kuvend si pako, sepse ne nuk e dimë se si do na vinë në të ardhëm vendimet nga gjykata. Kjo palë ka drejtuar një ankesë në mandatin e kaluar në zyrat e gjeodezisë, ne gjithashtu edhe palëve të tjera i deklarohemi se nuk kemi mundësi shpronësimi sepse këto kushtojnë dhe komuna nuk ka buxhet, të njëjtën përgjigje ja ka dhënë edhe agjensioni kadastral i Republikës së Kosovës, por pala ka pas të drejtë ankese dhe ju ka drejtuar gjykatës administrative.

Dervish Çadraku – Pyetje lindë nëse ne këtë pikë nuk e kalojmë çka di të ndodhë, prandaj jam duke thënë se nuk ka nevojë që të shkojnë këtë gjëra deri në gjykatë sepse prapëseprapë komuna është ajo që duhet të ja kompensoj, për këtë e kisha unë fjalinë se ne nuk mundemi ta kundërshtojmë vendimin e gjykatës.

Kryesuesi – E qes në votim Propozim vendimin e Kryetarit që të jepet pëlqimi për iniciimin e procedurës për shpronësimin e pronës së paluajtshme private për hapjen e rrugës publike “Edit Durham”: Konstatohet se në mënyrë unanime është aprovuar pika e tretë (3) e rendit të ditës. Kalojmë në pikën e radhës:

4. Shqyrtimi dhe aprovimi i propozim vendimit të Kryetarit të Komunës rreth shërbimeve të varrimit.

Samir Mustafa – Përshëndetje për të gjithë të pranishmit, Duke u bazuar në nenin 11, nenin 13 dhe nenin 58, shkronja (j) të Ligjit për Vetëqeverisjen Lokale të Republikës së Kosovës Nr. 03/L040 dhe nenit 9, nenit 40, nenit 74 dhe nenit 92, të Statutit të Komunës Nr. 1005 i datës 29.03.2017, Kryetari i Komunës I propozon Kuvendit të Komunës së Rahovecit miratimin e vendimit me të cilin i lejohet Kryetarit të Komunës, që në interes të qytetarëve, në emër të mbulimit të shpenzimeve të varrimit të lidh marrëveshje me të gjitha bashkësitë fetare që veprojnë në territorin e Komunës së Rahovecit, pakoja e shërbimeve primare të definohet në marrëveshje të re dhe ajo nuk mund të ketë koston më të lartë se 190 euro për një rast, ndërsa për shërbime të tjera të cilat nuk janë pjesë e marrëveshjes, qytetarët do t’i sigurojnë ato personalisht. Shërbimet të cilat do të jenë pjesë e marrëveshjes, në asnjë rast nuk mund të kushtëzohen me pagesat e anëtarësive fetare apo të tjera. Pagesat nga shërbimet e varrimit do të kryhen nga kodi i Mallrave dhe Shërbimeve, prandaj të nderuar ju ftoj që ta përkrahni këtë propozim vendim.

Rasim Fazliu – Që nga momenti që komuna e Rahovecit gjegjësisht kuvendi komunal ka marr vendim që ti mbulojë shpenzimet e varrimit mendoj se është një vendim shumë i mirë, kjo ka dëshmuar edhe në teren sepse të gjithë qytetarët e komunës së Rahovecit kanë qenë të kënaqur, dhe besoj se kjo ka qenë e mirëseardhur për të gjithë. Por ajo që desha të them është se nga qeverisja në qeverisje është duke u bërë pak si lojëra nëse me lejohet kështu të them, do të ishte mirë që një vendim të jetë për të gjithë i njëjtë pasi merret për çdo vit, por shërbimi është shërbim, ne në fillim kemi mare një venim që të paguhen nga 200.00 €, pastaj asi erdhe qeverisja e juaj është mare vendim 180.000 €, tani ju jeni duke kërkuar që të bëhet 190.000, vitin e ardhëm do kërkon që të bëhet 200.00 € e kështu me radhë. Për vete nuk kam qenë pro i këtyre lëvizjeve në çmime, për neve është shumë me rëndësi që të bëhen shërbimet cilësore në mënyrë që të ndahen të kënaqur të gjithë. Tek neni 3 i vendimit më duket pak si imponim, kurse në fakte ky duhet të jetë

një propozim nga kryetari, po e citoj nenin 3: Pakoja e shërbimeve primare të definohej në marrëveshje të re dhe ajo nuk mund të ketë koston më të lartë se 190 euro për një rast, konsideroj se kuvendi është ai i cili merë vendim se sa duhet të jetë kostoja për një rast vdekje, mendoj fjalimi tek neni 3 është dashur të formulohet pak më ndryshe, përndryshe si vendim është në rregull dhe nuk kemi arsye që ta kundërshtojmë.

Ali Morina – Përshëndetje për të gjithë të pranishmit, kam zhvilluar disa biseda me qytetarët e anadrinisë dhe komunitetin fetar të asaj ane, ata kanë shprehur pakënaqësisë sa i përket përmbushjes së marrëveshjes në disa raste e cila bëhet mes komunës dhe Bashkësisë Islame, jo në të gjitha rastet at e bëjnë transportin e kufomave nga shtëpia deri tek vend falja, dhe nga vend falja e deri tek varrezat, ka raste kur ata e refuzojnë që të bëjnë transportin nga shtëpia e deri tek vend falja, por e bëjnë nga vend falja deri tek varrezat, kurse në venim është e përcaktuar që të bëhet në të dyja rastet. Po ashtu tek pika e 8 e llojit të shërbimeve ceket se qytetarëve ju ofrohen afishet apo fletë lajmërimi deri në 20 copa, ndoshta edhe kjo është mënyra e mirë e informimit por tek ne në komunën tonë praktikohet pak, sepse ne të gjithë e dimë formën e informimit se si bëhet tek ne pra përmes hoxhallarëve në xhamitë tona, arsyeja pse e them këtë është se ndoshta qytetorët i marrin këto afishe dhe nuk i shfrytëzojnë ato. Sugjerimi imë është që këto mjete prej 10.00 € që janë të parapara për këtë kategori të ndryshohet dhe të ju sigurohet qytetarëve letra e zezë, kjo letër e zezë nuk ofrohet por vetë familjarët janë të detyruar që të paguajnë shumën prej 10.00 €, konsideroj se kishte me qenë më në interes për qytetorët që të ju ofrohet letra e zezë se sa këto afishe.

Kryetari – Përshëndetje për të gjithë të pranishmit, e përçolla me vëmendje diskutimin e z. Rasim Fazliu, e vërteta është se ne e patëm lutur Bashkësinë Islame në Rahovec që për vitin 2018 të kenë pak konsideratë për sa i takon shumës, sepse natyrisht është një kosto e këtyre shërbimeve, kurse ne si komunë ndoshta kemi pasur nevojë që të zbret kjo shumë ndoshta edhe për 10.00 € më pak, në negociatat që i kemi pasur ka qenë një dakordim që 180.00 € - 190.00 € të jetë shuma. Kurse tani ne jemi akorduar me Bashkësinë Islame në Rahovec që për vitin 2019 të jetë shuma 190.00 €, prandaj aty është duke u cekur se mundet të arrihet një marrëveshje e re. Shërbimet e varrimit besoj se kanë nevojë që të avancohen në vazhdimësi nga viti në vit, ka nevojë ndoshta të korrigjohet edhe ndonjë mungesë të cilën munden ta shprehin familjet tona, prandaj ne pasi të mirët vendimi i kuvendit nga ana e juaj do të ulemi me Këshillin e Bashkësisë Islame ku do të shohim se çka duhet të përmirësohet në këto shërbime. Por për një gjë jam i bindur se të gjithë jemi të pajtimit se ky bashkëpunim duhet të vazhdoj, është një traditë që është materializuar për herë të parë në qeverisjen e kaluar dhe duhet të vazhdoj në çdo qeverisje deri sa të zgjidhet një zgjidhje në shkallë republike. Edhe ne i kemi disa vërejtje sepse kishte me qenë mirë ndoshta pak të avancohet shërbimi, por meqenëse tradita nuk është shumë e gjatë, por me siguri më të madhe e them se ky shërbim do të ketë avancim në të ardhmen. Ju ftoj që të aprovoni këtë Propozim vendim me këtë shumë, por përsëri ju jeni ata që vendosni se duhet të jetë shuma.

Kryesuesi – E qes në votim Propozim vendimin e Kryetarit të Komunës rreth shërbimeve të varrimit: Konstatohet se në mënyrë unanime është aprovuar pika e katërt (4) e rendit të ditës. Kalojmë në pikën e radhës të rendit të ditës:

5. Shqyrtimi dhe aprovimi i Planit të Punës së Kuvendit për vitin 2019.

Të nderuar kuvendar/e anëtarët e KPF-së si dhe anëtarët e Komitetit për Komunitete në bashkëpunim me Drejtorët e Drejtorive Komunale në bashkëpunim me OSBE0-në e cila ka qenë edhe organizatore e kësaj punëtorie me datë 04.12.2018, kemi mbajtur një punëtori rreth hartimit të Planit të Punës së Kuvendit për vitin 2019. Gjatë kësaj punëtorie kemi diskutuar dhe jemi pajtuar që për vitin 2019 të kemi këtë Plan të Punës që e keni secili para vete, nëse ka dikush të shtoj diçka sa i përket këtij plani fjala është e juaja.

Meqenëse nuk kemi të lajmëruar asnjë kuvendar/e për të marrë fjalën rreth Planit të Punës së Kuvendit për vitin 2019, atëherë e qes në aprovim Planin e Punës së Kuvendit për vitin 2019: Konstatohet se në mënyrë unanime është aprovuar pika e pestë (5) e rendit të ditës. Kalojmë në pikën e radhës:

6. Shqyrtimi dhe aprovimi i plotësim ndryshimit të Rregullores për Taksa, tarifa, ngarkesa dhe gjoba.

Fatmir Iska - Përsëendetje për të gjithë të pranishmit në sallë, kjo pikë është diskutuar edhe në KPF, kemi të bëjmë me një taksë që është zbatuar edhe më herët, kjo rregullore është e certifikuar nga MAPL-ja, është një taksë që ngarkohen qytetarët kur e bëjnë regjistrimin e automjeteve, por për shkak të një gabimi teknik është bërë në kohën kur është aprovuar nuk është përfshirë kjo taksë në këtë rregullore. Ne e kemi shikuar procesverbalin e mbledhje kur është aprovuar kjo rregullore me datë 28.02.2018 dhe askush nuk ka diskutuar rreth kësaj rregullore ose me saktë rreth kësaj takse. Ne sot kemi propozuar që të përmirësohet ky gabim teknik dhe këtë vendim ne e dërgojmë përsëri në MAPL dhe me këtë e plotësojmë këtë rregullore me këtë taksë.

Rasim Fazliu – Të nderuar besoj se edhe për këtë nuk kemi se çka të bisedojmë, kjo i ka munguar rregullores aktuale që është në fuqi, mendoj se është mirë që është vërejtur ky lëshim, ne si grup i PDK-së jemi pro këtij plotësimi të kësaj rregullore.

Kryesuesi – E qes në votim Plotësim ndryshimin e Rregullores për Taksa, tarifa, ngarkesa dhe gjoba: Konstatohet se në mënyrë unanime është aprovuar pika e gjashtë (6) e rendit të ditës. Kalojmë në pikën e fundit të rendit të ditës:

7. Shqyrtimi i Raportit të komisionit për zgjedhjen e kryetarëve dhe këshillave lokal.

Rexhep Oruçi – Përsëendetje për të gjithë të pranishmit, të nderuar do raportoj në cilësinë e Kryetarit të Komisionit për zgjedhjen e kryetarëve dhe këshillave lokal. Ky komision është formuar po nga ky kuvend, po nga kjo legjislaturë, përbërja e këtij komisioni është: unë z. Rexhep Oruçi përfaqësues i PDK-së, z. Faton Ramadani përfaqësues i LDK-së, z. Afrim Berisha përfaqësues i AAK-së, z. Përparim Krasniqi Drejtor i Shërbimeve Publike i deleguar nga ana e Kryetarit të Komunës, znj. Saranda Sellteku Drejtoresh e Administratës së Përgjithshme po ashtu e deleguar nga ana e Kryetarit të Komunës, z. Adnan Rexha, përfaqëson Shoqërinë civile SHHL- Kosova- Rahovec, po ashtu në secilin fshat kemi pasur nga një përfaqësues. Ky komision ka punuar me punë intensive që nga data 16.11.2018 deri me 14.12.2018, paraprakisht rreth zgjedhjes së këshillave lokalë së pari qytetarët janë informuar përmes zyrës së informimit për orarin dhe vendin e mbajtjes së takimeve publike për secilin fshat dhe lagje urbane. Mendoj se në përjashtim të disa mjediseve ku kryetarët e fshatrave të cilët nuk i kanë informuar banorët por edhe ata vetë nuk anë qenë të angazhuar sa duhet, por në shumicën e fshatrave është kryer me sukses, ku janë zgjedhë këshillat dhe kryetarët e këshillave si të fshatrave ashtu edhe të lagjeve urbane të qytetit të Rahovecit. Një ndihmesë të jashtëzakonshme e kemi pasur nga znj. Nora Boshnjaku, e cila e ke kryer funksionin e procesmbajtësës dhe administatores së këtij komisioni. Është tentuar që të përfaqësohet edhe struktura gjinore në ato vendbanime ku ka pasur mundësi si në ato fshatra më të mëdha që janë, mendoj se është bërë një punë e mirë, mundet të ketë ndonjë gabim teknik në këtë raport për megjithatë mendoj se është bërë një punë se mirë. Falënderoj anëtarët e komisionit, po ashtu edhe Kryesuesin e Kuvendit sepse është angazhuar maksimalisht në shumicën e tubimeve në çdo mjedis ka qenë prezent.

Kryesuesi – Personalisht ju përgëzoj për punën e bërë si komision, e di që e keni pasur një aktivitet bukur shumë të ngjeshur, por mendoj se e keni kryer jashtëzakonisht me sukses.

Rasim Fazliu – I falënderoj për punën e bërë, e di vetë se si është sepse kam qenë në mandatin e kaluar vetë i përfshirë në këtë komision, kryetari i komisionit z. Rexhep Oruçi na informojë rreth punës së këtij komisioni, por pyetje ime për z. Rexhep Oruçin është: Përveç këtij dokumentacioni ose raport që na keni ofruar, a ka edhe ndonjë material tjetër ose dosje e këtij komisioni të cilën nuk keni mundur ta sillni këtu, apo ky është material i vetëm i punës së këtij komisioni për zgjedhjen e kryetarëve dhe këshillave lokal. Në rregullore shkruan qartë se duhet të jenë procesverbalet nga secila mbledhje, pastaj nënshkrimet e pjesëmarrësve etj. ne në këtë raporte këtë nuk e kemi të bashkangjitur.

Rexhep Oruçi – I nderuar materiali ka qenë tejet voluminoz, ne e kemi mbajtur evidencë të saktë të çdo qytetari i cili ka marrë pjesë në këto tubime me emër dhe mbiemër, pastaj janë të evidentuar çdo këshill i

fshatrave, ka qenë e pamundur që i gjithë materiali të përfshihet, përndryshe i gjithë materiali është i arkivuar në zyrat kuvendit.


Ali Morina – Falënderoj anëtarët e komisionit për punën që e kanë bërë, sepse e kanë bërë një punë shumë intensive dhe të mundimshme, por ajo që kisha kërkuar unë nga ekzekutivi i komunës që të gjendet një formë e pagesës për kryetarët e këshillave të fshatrave dhe lagjeve urbane, ngase deri më tani të gjithë punën që e kanë bërë e kanë bërë në baza vullnetare. Prandaj një pagesë sado simbolike do të rriste efikasitetin e punës së tyre, po ashtu do ti stimulonte për punë më të madhe.

Fehmi Cena – Sa raportit është një raport mjaftë i qartë dhe gjithëpërfshirës edhe pse është goxha voluminoz, përgëzoj komisionin për punën që e ka bërë dhe në veçanti për këtë raporte të qartë që na kanë sjellë. Kisha me i përmend disa gjëra por njëherë z. Ali Morina e potencoi sa i përket pagesës së mëditjeve për kryetarët e këshillave. Ne e kemi cekë këtë problem edhe më herët se kryetarët e këtyre këshillave nuk paguhet fare, përderisa e kemi Këshillin e Hoçës së Madhe që paguhet jo vetëm Kryetari por edhe anëtarët e këtij këshilli, e di që kjo është e bërë me një ligj të veçantë, por edhe ne si kuvend duhet të bëjmë të mundur që së paku kryetarët e fshatrave dhe lagjeve urbane të kompensohen në emër të shpenzimeve. Një tjetër element që desha të cekë është ajo që e përmendi z. Rexhep Oruçi sa i përket kuotës gjinore, e cila në këtë zgjedhje lenë shumë për tu dëshiruar. Diçka tjetër që desha të cekë është se gjatë këtyre tubimeve qytetarët kanë pasur pak vërejtje rreth kushteve të organizimit, pra rreth vendeve ku janë mbajtur tubimet, propozoj që në të ardhmen në ato vende ose lokalitete ku ka mundësi, sikurse në qytet dhe në disa fshatra ku ka shtëpi të kulturës të organizohen aty zgjedhjet sepse janë kushtet më të mira.

Kryesuesi – Të nderuar shfrytëzoj rastin që të gjithëve të ja uroj vitin e ri 2019 dhe të ju falënderoj për kontributin e dhënë në mbledhjen e sotit, me kaq përfundon mbledhja mirupafshim në mbledhjet e radhës.

Mbledhja e kuvendit ka përfunduar në ora 14:45

01 Nr. 282
Rahovec, 28.12.2018

Procesmbajtësi

Skender Hamza

